

ACTA DA XUNTA DE GOBERNO LOCAL
Sesión extraordinaria e urxente do 6 de abril de 2011

ASISTENTES:

Membros :

D. Abel Caballero Álvarez
D^a Isaura Abelairas Rodríguez
D. Xulio Calviño Rodríguez
D^a M^a Xosé Méndez Piñeiro
D. Santos Héctor Rodríguez Díaz
D. José Manuel Mariño Mendoza

NON ASISTEN:

D. Francisco Xabier Alonso Pérez
D. Santiago Domínguez Olveira
D. Carlos López Font
D. Eudosio Álvarez Álvarez

Invitados:

D^a Raquel Díaz Vázquez
D^a María Jesús Lago Rey
D^a Laura López Atrio
D. Angel Rivas González
D. Xesús López Carreira
D^a Iolanda Veloso Ríos

Na Casa do Concello de Vigo, ás 10,20 horas do día seis de abril de dous mil once e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, titular da Asesoría Xurídica, Sr. González Yebra-Pimentel.

A Xunta de Goberno Local adopta os seguintes acordos:

1(441).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(442).- DECLARAR COMO ZONAS PROTEXIDAS AS SEGUINTE RÚAS: CHAO, ALTA, FUNIL, MENDEZ NÚÑEZ, TRV. DA ESPERANZA E TRV. FRANCO, E PROHIBIR CON CARÁCTER XERAL A PERMANENCIA E CONCENTRACIÓN DE PERSOAS NESTES ESPAZOS ABERTOS QUE SE ATOPEN CONSUMINDO BEBIDAS OU REALIZANDO ACTIVIDADES QUE ALTEREN GRAVEMENTE A PACÍFICA CONVIVENCIA CIDADÁ. EXPTE. 79959/210.

Examinadas as actuacións do expediente, de conformidade co informe-proposta da xefa de Seguridade, de data 4.04.2011, conformado polo concelleiro de Mobilidade, Seguridade e Transportes, a Xunta de Goberno Local acorda:

PRIMEIRO: Declarar, ao abeiro do establecido no artigo 6 en relación co artigo 5.1 da Ordenanza Municipal reguladora da convivencia cidadá e o ocio do termo municipal de Vigo, como zonas protexidas as seguintes rúas: Rúa Chao, Rúa Alta, Rúa Funil, Rúa Méndez Núñez, Travesía da Esperanza e Travesía Franco.

SEGUNDO: Prohibir con carácter xeral, as 24 horas do día e tódolos días da semana, a permanencia e concentración de persoas nestes espazos abertos que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

TERCEIRO: Sinalizar verticalmente a zona declarada como protexida.

CUARTO: De conformidade co artigo 86 da Lei 30/1992, de 26 de novembro, de réxime xurídico das administracións públicas e do procedemento administrativo común, someter o expediente nº 79959/210/2011 a información pública por un prazo de 20 días naturais mediante anuncio publicado no BOP e exposición no taboleiro de editos do Excmo. Concello de Vigo, para quen se considere afectado/a dalgún xeito polo presente acordo poida alegar o que considere oportuno. O prazo de información pública entenderase aberto dende o día seguinte á publicación do anuncio no BOP e rematará transcorridos vinte días naturais do mesmo.

O expediente atópase a disposición do público en xeral e pódese consultar na Área de Mobilidade, Transportes e Seguridade (sita no Soto 1º da Casa do Concello, Praza do Rei s/n, Vigo).

QUINTO: Declarar que, de non se presentar ningunha reclamación ou suxestión, entenderase definitivamente aprobado o acordo ata entón provisional da Xunta de Goberno Local, debéndose publicar no BOP segundo establecido no artigo 59.6.a) da Lei 30/1992, de 26 de novembro, de réxime xurídico das administracións públicas e do procedemento administrativo común, entrando en vigor ao día seguinte da devandita publicación.

3(443).- RECEPCIÓN DAS OBRAS DE MELLORA DA SEGURIDADE VIAL DA PO-330 AV. CASTRELOS E PO-552 AV. FLORIDA. EXPTE. 61749/250.

Examinadas as actuacións do expediente, de conformidade co informe-proposta do enxeñeiro xefe de Vías e Obras, de data 6.04.2011, conformado pola concelleira delegada da área de Servizos Xerais, a Xunta de Goberno Local acorda:

Primeiro.- Solicitar da Consellería de Medio Ambiente, Territorio e Infraestruturas que propoña ao Consello de Goberno da Xunta de Galicia a corrección de erros observados no Decreto 32/2011 de 17 de febreiro polo que se aproba o cambio de titularidade do tramo da antiga carreteira C-550 (Finisterre-Tuy pola Costa), Avda. de la Florida e do tramo da

estrada PO-330 (Vigo-Vincios) Avda. de Castrelos en favor do Concello de Vigo co seguinte tenor literal:

Artigo 1 onde di: - “ *Da antiga estrada C-550, denominada Finisterre a Tui pola Costa , o treito que se cede é a Avenida da Florida (2,300 km)*” Debe dicir: **Da antiga estrada C-550 denominada Finisterre a Tui pola Costa, o treito que se cede é o comprendido entre a Praza América e a rúa Pablo Iglesias (1,659 km).**

- Artigo 1 donde día: “ *Na estrada PO-330 , denominada Vigo-Vincios, o treito que se cede é a Avda. de Castrelos (1,330 km).*”. Debe dicir: **Da estrada PO-330 denominada Vigo-Vincios, o treito que se cede é o comprendido entre a Praza América e a Avenida Alcalde Portanet (0,977 km).**

Segundo.- Unha vez corrixidos os erros mentados, aceptar a transferencia de titularidade previa sinatura das actas de entrega.

Terceiro.- Remitir á Dirección Facultativa das Obras, as deficiencias que constan no informe do enxeñeiro xefe de Vías e Obras de data 1 de abril pasado, para a súa inclusión no preceptivo informe do estado das obras, previo á proposta de liquidación das mesmas.

Cuarto.- Notificar aos distintos servizos municipais o cambio da titularidade dos treitos mentados aos efectos oportunos.

Quinto.- Ao amparo do artigo 4 da Lei 4/1994, de 14 de setembro, de Carreteras de Galicia, incorporar ao Inventario de Vías Municipais os treitos transferidos.

Sexto.- No caso de que a solicitude de corrección de erros sinalada no primeiro punto desta proposta non fora atendido, interpoñer recurso contencioso-administrativo contra a referido Decreto.

4(444).- MODIFICADO Nº 1 “CUSTE CERO” DO PROXECTO DE HUMANIZACIÓN DA R/CANGAS. EXPTE. 857/440.

Examinadas as actuacións do expediente, de conformidade co informe-proposta do xefe da área de Servizos Xerais, de data 6.04.2011, a Xunta de Goberno Local acorda:

1º.- Aprobar o proxecto modificado nº 1 Coste cero do Proxecto de Humanización da Rúa Cangas, de acordo cos criterios anteriormente indicados, e que quedan xustificadas no informe da Oficina de Supervisión de Proxectos de data 1 de abril de 2011.

E sen ter máis asuntos que tratar, o Sr. presidente rematou a sesión ás 10,25 h. Como secretaria dou fe.
am.

A CONCELLEIRA-SECRETARIA
DA XUNTA DE GOBERNO LOCAL,
Isaura Abelairas Rodríguez.